



إعلان بداية الحرب

آخر محاولة



01007677910 - 01111883712



3aberorg@gmail.com



www.3aber.org



غابر 3aber

جميع الحقوق محفوظة، وأي اقتباس أو إعادة طبع أو نشر في أي صورة كانت ورقية أو إلكترونية أو بأية وسيلة سمعية أو بصرية دون إذن كتابي من الناشر، يعرض صاحبه للمساءلة القانونية.



إعلان بداية الحرب

آخر محاولة

محمد عصام



oboiikan.com

المُقدمة

توقف طفل للحظة، ثم نظر في الفراغ يتسائل :- ماذا لو قامت حيوات
أخرى في أماكنٍ مُتخِلِفَةٍ بشكلٍ ما ؟ وكيف ستكون؟..
والآن، مرحباً بكم في لعبتي او ما ادعوه بـ فضائي الخاص..

- محمد عصام -

الإهداء

لـ

- الله

- آخر جواب «مفتاح الشعر»

- (صاحب العُمر - توأمي - ثلاثة اصحاب بعثهم إهداء)

- رجلي الشمال «اول علامات عَجْزي وعَجْزي»

- عيلتي «مصادر الراحة المُتجددة»

- ستي الطيبة «عيد الفطر والأضحى»

- اصحابي «اخواتي المُقربين»، «شَلَّة الكلية»

- الكورة الي اخَدِت مِني أَكْثَر ما اديتني

- الراجل الي بدعيله وانا معرفش غير سيرُته

- الأولى والأخيرة في صنف البنات

وأخيراً..

- ليا «أكثر حد وقَّعني وصبرَ عليا»

هذا الفضاء خيالي بحث من حيث ترتيب الكواكب والحياة عليها...

Start

ومن أرض السما الزرقا
تبص عينيك لـ سقف الأرض
هتلقى نجوم مبتنّوش
ودلّقت نورها في سمانا
سحاب إسود مبمّطرش
يقول للحزن: «مولانا»
قمر مختارش يسكن فوق
نفخ في الشمس طفاها
ومن غير قصد طقّانا

SKIP>>

الأرض

(Level 1 - completed)

٣٦٤ يوم

من كل عام
ورقة نتيجَة بَتَقَطِّع
لـ تاريخ قديم غامق
العام بينقُص يوم
العمر يزيده
الذكرى بتعيده
وانا بَتَقَطِّع مِنْهُ
اول مفاوضة مع القدر
على حب يكمل - بالرجاء -
تخلص بـ رفض
أول تعاون ويا أنثى...

بسيطة، هادية، مُنَمِّة
ذات صوت رخيم

مكياج ومحطوط للحياة
علشان تبان..
أجمل في عيني الطيبة والمرهقة

على وضع احجار الأساس
في مغامرة دور أرضي بـ طفولة
تُسَمَّى «حُب»
وإتهد من زلزال قوي بـ ريختر «فراق»
من يومها أيام السنة بتنقص تاريخ
وانا لسة بنسى على إتفاق

...

يارب عبدك ضلَّ ضلَّكَ
وَإِسْتَضَلَّ بِذَنْبِ نَفْسِهِ
وَكُلُّ يَوْمٍ يَرْجِعُ يَعِيدُهُ!
خُذْ بِإِيْدِهِ..

وبخاف انا
أصحي على القبر وحساب
وذنوبي كسبانة ومفيش حل وهروب
لأ معتقدش..
فيه أكيد إتاحة فرصة أتعادل واتوب
وبقيت كئيب
بسكت من اليوم مُعْظَمُه
واضحك اذا صايف ومليت م السكوت
طول عمري فقري
زي زي لمبة في فرع زينة عيد
.. جديد
مبتشغلش
وتاريخ لـ شخص عظيم مؤثر
متنقلش
كلمة «بجباك» من طرف واحد
مقالش
أول مُرتَّب.. شهر شغل ومرمطة

فِيهِ اِحْتِمَالٌ اَنْهُ اَتَنَشَلْ

بزعل علیہ

يارب انا ما كُنْتُش كدة

من بعد ما اتعوّدت ع الوضع الجديد

ما بَقْتَش فَاكِر كُنْتَ اِيَه!

• • •

الزاوية الحادة في تفكيرك
إفْرِجها عشان تِفْهَم غيرك...

من غير طاہور

العِبْرَةُ فِي كِتَابَةِ وَمَلِكِ
 الفوز ماهوش دايماً معاك
 الحظ طبعه ب زميلك
 بيدور لكل الناس سيواك
 هيلف ع الناس الف دور
 وانت الاخير من غير طابور
 صاب حطّك القاسي الغرور
 ف النحس ضمك وإحتواك
 مُجَبَّر تدوق مِشّ الجُميل
 او مُر طعم المستحيل
 والممكنات ممكن تسيل
 ببساطة في عُباب الهلاك
 تزعل ف تستفسر ب هل
 الحال هيتبدّل ب حل ؟

والحظ ياخذ مُسْتَهْل
مع رمية تضمن مُبْتَغاك
تكسب تقول ما اجملك
تحسر تقول ده مُنتهاك!
- يا دُنْيا ليه؟.. ما اجملك
= رَبِّكَ وَحَبَّكَ.. ف ابتلاك

...

وهفضل أضفّر... كلامي المِشَقَّر
في عَيْنِكَ جَدَائِل
وَشَعْرِي الي سَائِل.. في مَعْقَلٍ وَرِيدِك
هَيَقْدَر يَوْفَّر.. لَ قَلْبِكَ رَسَائِل
وَيَنْسَخَ بَدَائِل.. في صَنْدُوقِ بَرِيدِك
في مَظْمُونِهَا قَائِل.. بِمَحَبَّتِكَ بَرِيدِك

ماعيش غيرك

ماعيش سِلِّم..
ينْفَع يَطْلَعني القَمَر
ميش هَعَرَف اِطفي النور عشان نَقْدَر ننام
ف هَسَلَّط الغيمَة تداريه
وتسيب محاق
لوع القَمَر..
له حَق يَشْعُر بالنِفاق
إِكْمِيّ دايما بَوَصَفَك يا حبيبتِي بيه
وبِإِنْ رُكِن في رُوحك أَجْمَلِ مِ الهلال
فالباقِي إِيه؟
أو اَمِد بَ فروع قلبي فوق رِمَشِك ظِلال
تَبْقِي الحِمام.. تَتَحامي فيه
وتَجَرِّبِيه في فصل الربيع
بِيَرِّكِي عن فائِض جِمالِه المُنْفَرِد
للواقِع الي بِيَمْدَحِيه، وبِيَنْصِفُه
قلبي لو إِنْتي هَتِفْتَحِيه

كُلُّ البيوت
راح تَطْرُدُ السَّكانَ إِلَيْهِ.. تِسْتَكْشِفُهُ
شوفي انتي لَمَّا هِتَدْخُلِيهِ
فيه كام ربيع هيزيد عليه
بيفوق جماله، ويحذِفُهُ
ماعيش شَبَّاكَ..
يُطْلِعُ عَلَيَّكَ مِ الدُّنْيَا
ساعة ما عينيكي تَوْحْشَنِي
في أي مَكان
ماعيش أُوْهام..
تَفْصِّلُكَ حَيَاةَ تَرِيكُوهِ
بِإِبْرَهْ وخيطها في خيالك
عينا ب تَبْصِرُ الواقع
وروحِي تَكْفِي وتُساْعِنَا
يادوب احلام تَجْمَعُنَا
ونُطْلَعُ خَطَوَتَيْنِ فِي الجاي
نقول الحِلْمَ بِيَقْرَبْ
مِنَ الي طَلِعْنَا عِلْشَانُهُ
ونكسِرْ صَبْرْنَا النافِذْ

بِجُمْلَةٍ «كُلُّهُ فِي أَوَائِهِ»

مَاعِيشَ آلَةٍ..

تِلَحَّنَلِكِ نَعَمَ قَلْبِي

وَتِعْزِفْلِكَ خِلَالَ سِيرِكَ

بَدَوَّرَ جَوْهَ جِيبِ الْعُمَرِ

لَقِيتُ إِنِّي..

مَاعِيشَ غَيْرِكَ!

زي الي جاب كوتشي وفِرح
ورجلُه مبتورة
بجَبِّك وانتي عند الله
واضحك مع الصورة..

٣ أشياء

بَصَ للسارق بـ حِكْمَة

بعد قفْشَة...

بَجَرَّتْ مَسْتور جَريمتُه في الصالون

وقال بـ رَدَّةِ فِعْلٍ هادِية :-

«إقْلَعِ النِيَّةَ الحَبِيثَةَ

واستعير كُرْسِي وسامِرني»

ظَهَرَتِ الدهشَة في عيُونُه

مما قاد بعض التساؤل وَيَا نَفْسُه :-

«ليه مثارش ومد صوتُه

لـ ودن جاره؟

ليه ماحسَّش بالمُفْجَأَة؟

زي ما يكون جاي معايا

او دَخَلَ جوايا يسرق

- معنويًا-

خِطَّتي لـ سِرْقَة ما يَمْلُكُ

بالهدوء من رد فِعْلُه

ليه مخافش؟
وليه مفكرش في عدايا»

حط قلبه في نار سؤاله
وهو إيده في مية باردة
واكتفى ب نظرات تفحص
عينه بعد ما لبى طلبه
وقال ب نبرة حد واثق من قوالته :-
«فيه ٣ أشياء ثمينه
في الدولار الخاص بيا
مفتكرش يلبوا حاجتك
هما اغلى..

مما جيت موهوم تنوله»
كح كحة ومد إيده
في علبة خد قرص العلاج
ثم كمل..

«- صورة ل ابني وهو باسم
زي اسمه
- صورة ل شريكتي الجميلة

زي روحها

- صورة لينا إحنا الثلاثة

صعب اقول للموت سامرني

كان حرامي قبل مِنَّا

خد أصول وإداني صورة

بس ما باليد حيلة»

كح ثاني بـ شكل أقوى

مد إيده وخذ منوم

بعد مُدّة يبان نتايجه

ثم كَمَل..

«بعد ما اتسرقت كنوزي

تفتكر..

ممكَن يَحْطِّي في قلبي ضعف

راجل وحيد مستني موته

لمين هيملك أي مال ويسيب دهب؟

ولمين يشد ستار سكوته؟»

بَدَل الدهشة في عينيه لـ دموع ندم

قرر يغادر من سُكات

نازل كما النازل بجور دُمعه الكثيف
مربوط في رجله.. خيبةً أَثقل من ماضيه
بتشيده تحت بدون مقاومة
من مكان ما دَخَلَ بـ وَعِيهِ
لحد شارع...
فيه بيوت سَرَقَتْ في ناسها
أَمَّا عن مُفْرِط دموعه
ابتدى المفعول لكنه مكانش نايم
ساب ٣ اشياء في نظرة
كالت ثمينة
وحاجة تافهة لأي عابر
لَمْ بُؤِجَة ذكرياته
فوق مَحْطَة قطر كان لازم يزوره
وحَصَّل الصورتين وسافر

مختوم عليك: محتوم

تدوق المر وتحبّه

ده طعم الدنيا لو عاجبك

مفيش شئ غيرّه في الحلّة

تقول: كلا

لكن هتدوق!

تجلىّ (الوصف) بـ الأسوأ

وحطّ اليُسرى ع اليُمْنى

وساق فيها وعلى النار

وسابلك قعرها المحروق

ملك وكتابة آدي المر

ووش الآخرة لو تصبر

فَ مِش هيكون بـ هذا السوء...

فصل الليل

مش عارف انا! مش عارف انا!
وكان فيه عُمَال نقاشَة
شغالين في نواحي راسي
ونجارين بيدقدقوا..
وصدا ع ببيجي يهدّها
سهران بَحْمَن في اللي جاي
ف وقعت كُليّ في حُفْرَة سَمُوها «الي فات»
واتبَقّي مني..
إيد بتستنجِد ب حد يشدّها
بعد العناء
وطلوعي على سلّم خيالي إلى السما
جَرَبْت امدّد ع السحاب
يمكن أَعْقَل...
وَأندِمِج في سُبَات عميق
خِلي بيا وَقَّعني وسِهرت ٣ ساعات!
وبقيت زبون عند الأَرَق

بياخذني عقلي ورجلي طوعه
وقلبي واقف بين بينين
فوق منه حمل
دَوَامَة التفكير بتسحب للغرق
والعوم ما بيني وبينه كان.. إني ارتضيت
بفُعادي فوق الشَّط برسم
قلب مش مكسور... ب رمل
جُمْلَة بتهددها موجة ب مسحها
تايه في نفسي
ولسة ماوصلتش ل حلّ
وكل ما ارجع
تبتيدي الدَوَامَة تَوَسَّع ضَعْفَهَا
وانا روجي نُقْطَة ضَعْفَهَا
هيَّ أَنَهَا وبالصدفة روجي مع الأسف
مش عارف انا!
عقلي المُوَلَّف.. مُبْتَكِر
عارض عليا يادوب لحد اللحظة دي
عشرين سيناريو بموضوعات غير بعضها
مشهد ل موتي.. وموت ل ناس هُمَّا الحياة

وميعجبوش.. فَيَكْرُرُه
أَكْشَنَ واموت!
أَكْشَنَ يموتوا!.. واموت زَعَل
فِرْكِشَ ويبدأ فيلم تاني
وفي النهاية يَغَيِّرُه
تفاصيل قديمة بقالي مُدَّة مازورتهاش
أو زورتها
وعملت ناسي يجوز اصْدَق كِدْبِي
أَصْبَحْتَ زي المغناطيس
بَجَذِبَ ذنوبي.. ولا مَقَر
مسامير في جسي ونفسي أرتاح مِنِّها
والذكريات زي الناموس بتمُص دمي
وعازمة كل جيرانها عندي على العشا
والأوضة مَلِيانة بِبَشَر
وعينهم إحمَرَّت بِشَر
فيما بيني وما بينهم قصص
وعتاب وجرح
وكأنهم فوقِي وبقيت «مسرَح كبير»
بيقولوا أدوارهم ب نبرة حُزن.. بُرْكان

وإنفجر
بيعاتبوا في جماد زبي آخره الإندهاش
وعينيه مايتدمعش علشان يتغسل
.. من حزنها
الشمس طلعت للجميع
وانا ليل مُصغّر..
بكره النور لو مكاش من القمر
والضلمة نور الموجوعين
فقلّت شبابيك الأوض
والبلكونات غمقتها
وكأني مصاص دم ممكن يتحرق
أو زي نملة في جحرها
بخرج في فصل الليل اعيش ويا القطيع
واعمل بيات أول ما ييهل النهار
تعبان اوي!
وعينيا ضعفت م السهر
وعشان اشوف الساعة كام
بعمل إيديا منظار ع العقارب
واما موصلش ل نتيجة.. افرك في عيني

كأني بمسح عدسة المنظار!

آن الآوان...

عَنِ ابْتَدَتْ تَقْفِلُ وَفَصَلَ اللَّيْلِ خِلَصَ

والفكر حَطَّ نهايةً لى بيعمله

هَعْمِلْ بَيَات طُول النَّهَارِ

ييجى القمرزي المنبّه في المعاد

وهعيد كتابة النص..

بس هَعَدُّهُ!

• • •

ب عينيه رَسَم..
(ع الشط هو وهي تاني إْتَجَمَّعُوا)
الرسمه دي من كام سنة
ملهوف تجيه
وبرغم شوقه بتوجَّعه
وانا جيت ب جُمْلَة مَسَحْتَهَا
«سرحان في إيه؟»..

مركب نصيحتي

مش ناوي ب لسان قلبك الطيب يا صاحبي
تدوق فتاة وتحبها
جارتكوا مثلاً..
بينكوا خيط زينة وتحية
وكل عيد والعيد معاهم
احلى طبعاً
او حتى بينكوا ٣ شوارع.. توحشك
تنزل تعدّي شارعها علشان تلمحك
وتسرّحك
لو تمشي بإيديها الخفيفة في شعرها
وتروح وتيجي بدون سبب
تقابلها بره المنطقة
علشان ابوها له عينين
- صاحب - في أكثر من مكان
وتعدي قدام ناصيتك
منين تشوفها.. تبص على أي إتجاه

علشان مفيش لماح يقول:

تعرف عينيّه وبتعشّقه

أو بنت من بره النطاق

تقابلها صدفه..

ويرضو صدفه تكون وقعت

وتيجي ترسملي بـ كلامك حُسْنَهَا

وتقولِي فعلاً.. الحياة اختلفت كتير

فـ فاجئني صاحبي بعد مُدَّة

بـ نبرة أشبه..

بالي صابت دعوته باب السما

وقال لي فوق مركب نصيحتك

إلتقيت شَطِّي الجديد..

حَب الي كنت..

بقَدَف الأيام عشان اوصل لها

وَحَظفني من حسرة وألم

بـ سؤال إجابته تُضَرُّنا :-

«رأيتك مهم إني أسمعُه؟»

إحترت أقوله بـ إني كنت...

بخاف ابوها يشوفني راصد شعرها

وبان غضروفي التَّهَب
من لفي في شوارع عينيها الضيقة
أوإني راكن قلبي دايمًا.. تحت بيتها
وبلكونتها ليل طويل
تقدر ب طَلَّة تنورُهُ
وباني لما ضربت بيها الأمثلة
ده عشان مفيش في عينا أجمل مِنِّها
مقصُدش علشان تَعَجِّبك
وتَحْطِّي قلبي تَحَبَّها
قال ب بشاشة وقلب طيب بعشقه :-
«الدور عليك علشان تدوق
في الحب فرحة مِن وَسَع»
رديت عليه :-
كان نفسي!
جَرَّبْتُ وفشَلْتُ
وجبت ادوق قلبي إتلسع
...

من صغري بطلع ع السنين
بسأل واقول.. هل زدت طول؟
وشكلي إيه؟.. او جنبي مين؟
لقيتني واقف فوق وحيد
ونزلت بلعن في الفضول!..

لو كف إيدي

عَمَّضت عيني وقولت: ياااه
لو كف إيدي ساب دراعي
وطال حاجات مش قادر اطوها
من هنا!
يكتب لـ أُي قُصاد عينيها
بـ إني رغم البُعد.. طيف على مَقَرَبَة
عارف بإئنه يادوب كلام فوق الورق
لَكِنَّهُ يَنْفَع طَبْطَبَة
يلحق دموع بيت البنات
قبل امّا تبدأ تَنْتَحِر.. من فوق رموشها
وتنتهي بـ مأساه في قلبي
وكرْكَبَة
يَنْفُض تُراب مُر السنين
من قلب ابويا الي اتردَم
يعرِف على بيانو الحياة
مقطوعة «الصبر» الي بتمثّل لي غاز الأكُسجين

علشان انط..

حواجز اليأس الطويلة المُرعبة

أولو هموت..

يخْرُج يورِّع نبضي ع المحتاج ل نبض

.. وينقِده

يصرف ذكاة من كل قبض

ل شخص أصبح.. مجتمعا ب ينيدُه

يرفع صوابه في كل قاعة محكمة

يضغط يطبب..

كفة العدل ب شهادة تمريره

يكتب قصايد عني.. ترفع

حمل أثقل م الجبال

ومخالب الهم اللي نزلت فيا هبش

غمضت عيني وقولت: ياااه

لو كف إيدي ساب دراعي

وطال حاجات مش قادر اطولها

وفك نفسه من الكلبش!

...

حاسس كأني..
حمضان جوة سوستة
في شنطة الطِفْل الي سابها
في حصّة الألعاب في حوش
جنب الحيطان
وإنداس عليها بالقَدَم
أوقصدي اقول
حاسس كأني إستَهْلِكِت مِنِّي الحياة
«طعم الحياة»
وبقيت عَدَم...

باعيد نفسي

باعيد أحداث كثير جداً
بلا تفكير في نتائجها
بلا مبالاه
بدخل نفسي في شوارع
آخرها عرفت إنه إتسد
من المرة الي قبلها
بجربش كارت متخربش
كأني رفضت يظهر ليا.. «نحس سعيد»
و«حظ تعيس» في دي المرة
بودّيني لـ بيبان حطّي الي مقفولة
واكمل حَبَط بالأيام.. بدون جدوى
مريض والحزن بقى عدوى
بمسّكني القلم واكتب ٣ كلمات
«مفيش» و«خلاص» و«مش فارقة»
واقطّعها
مفيش داعي إني اخلّيها

خلاص هتكون آخر مرّة
ومش فارقة إني اعيد تاني
وامسكني القلم واكتب واقطعها
بمئسني

في كل مكان يوجَّعني
 وكلُّ يومين بمَشَّيني وبرَّجَّعني
 وادخَّلني في حوار ملَّيت
 يدور بين نفسي.. ومابيني
 فاصدَّعني.. واقوم زهقان ف اطلَّعني
 بقيت برجلٍ مِسْك نفسه
 وييلف في مُحيط دايرة
 بقصد وغير
 ميعرفش الوصول إمتي
 لكن بيلف
 ومش عاوز مادام ماشية
 وصلت لـ درجةٍ إني بقيت
 باعيد نفسي في شريط بيسف

قبل اما حبل الفرقة يتحكّم على رقّبي

من حقي اطلب طلب

في آخر مرة هقابلها

عشان بعد السنين ما تمر

ماندمشي..

إدوني حظ الدنيا لـ دقائق

أحضرها.. وامشي

لو يسألوني عن حُضْنِك

لو يسألوني عن حُضْنِك هقول:

«وَسع السَمَا»

مش عاوز أقول وصف الجميع إستخدمه

يكفي إنه بيساع شخص زي

مُتردد.. مريض

عصبي ومزاجي

وفيه حروب جواه مبتباناش لـ غريب

الصلبَة اوجاعي الثقيلة

بتتحول بُحار ماء جوه حُضْنِك

سحر باين!.. شئ عجيب

انا مُندهش

عيل كبير

محروم من الدُنيا اللي بره

وهو عازل نفسه في العالم بتاعه المُنفرد

بيعيش طفولته في كل مرة بيحُضْنِك

هقول: «تراك مزيكاً هادي ومُخْتَلِف»

مَعزوف عشائي وكل ما اهرب
لازم ادخل واسمعه
يخلص اروح على بدايته
لو يسألوني عن حُضنك هقول:
«مَجَرَّبَتوش.. تَحَيَّلْتُهُ»

الناس زادت وزن الدولة
والأولى نخلصك المعتاد
ده لأن الوضع معادش سليم
هنقتل حبة ناس فاقت
والحجة نقول كان دهن وزاد
وساعدنا الدولة تقوم بريحيم..

برمي انتماء

برمي «إنتماي»،
و«خوفي تُفَعِي في قَبَضَتُهُ»

فَيَحْسِرُكَ عِدَّةُ شَبَابٍ
بِيَضْمَدُوكِي فِي عِزِّ حَنِيَّةٍ صَهْرُهُمْ
من خَرِبَ شَأْنُهُ وَعَصَّتُهُ

من فَتَحَةِ الشِّبَاكِ فِي تَاكْسِي العَاصِمَةِ
ممكن - اوي - .. يَقْفِشْنِي بِيَهُمْ عَسْكَرِي
في كَمِينٍ بِيَبْحَثُ عَنْ تُهْمٍ مِتْلَفَقَةٍ
في جِيُوبِ مُوَاطِنٍ مِلْيَانِينَ بِيَهُمْ لَا بَدَ
وَلَا حِيلَتُهُ غَيْرَ حُبِّكَ وَاحْدَاثٍ مُعْتِمَةٍ
يَرْضِيكِ يَرْضِيهِمْ اغْيَرِ جَوْهَرِي؟
غَيْرِي إِعْتَقِلْ، وَالتُّهْمَةَ بِيَجِبِّكَ اوي
يَرْضِيكِ ظُلْمَ الْأَشْرِطَةِ؟
مَشْ مَفْتَرِي...

علشان افرط بالسهولة المُفرطة
لو يعصروني هنزلك وانشف شقا
وإن قولت ب عَفَوِيَّي الطايشة:-
«هرميكي برايا»

راح يبقى فين البيت ؟
وب ميكروفون غُلبي الجهير:-
«حُكامها براية»

ع الكلمة ليه إتسَّيْت
موسهُم بيبري الباقي من آخر امل
والباقي من علاقتنا هامش - غالبا -
إديني عقلك يمكن اقدر اِحَلَّها
مش شرط تَبْقِي معايا قلب وقالبا
انا هعمل ايه ؟ وعملت ايه ؟
إفترضي مثلا إِنَّهُم أَهْلِك.. واشك
وانا بجي طالب إيدك الأمن وامان
عيل وطايش حَبَّها ب دافع جنان:-
كل أمّا يعرف غيرها يرجع عندها
والمهر «ثورة» وحَيَّ ع السَّكن النضيف
والعدل اطهر مكنَسَة

وأمّا اترفض!

اشتمها وازهق وامشي في الشارع زَعَل
واغضب وابص لـ غيرها مفتوح حُضْنَهَا
- موارد بسيط -

وعارفي في العصبية عيل فنجري
كُلُّه إتنسى

برجع بسرعة بعد ما يفكُّوا الكمين
فالقى إنتماء كل الي عدُّوا بعد مني ع الرصيف
اضحك واقول:- يا سِتِّنا!
شَعِيكَ تَعِب، خاف م الكمين والعسكري
يالأسى!

فيه سؤال هنا وحيرة ونَدَم
إذا كنت انا عيل صحيح
خوفت اني ازوّد هَمَّهَا
باقي إنتماءات البَشَر
مين الي ناوي يِلَمَّهَا؟

...

غريبة!.. المرة دي جَيَّالي بالفُستان
وعلى غير عادتي مِش فاهم
عينيكى وما يَدور فيها
كَاني دَعيتك الليلة
لـ حَفْل وداع يليق بيكي.. وبـ مساءك
فـ قَرَّرتي..
نودَّع بعض من غير جَرَح
بـ رَقصة آخيرة على لحن انتي بتحبِّيه
رقيقة حتى في فُراقك!..

آخر الشارع

شوفتك..

في آخر شارع عندي نيّة اني ادخله

انا اصلي عارف مَشِيَّتِكَ

مافيهاش مياصة أو دَلَع

واللبس فُضفاض - مش اوي-

زي امّا عَوْدَتِكَ زمان

على غيرتي من كُلّ البَشَر

والشَنْطَة واخدة..

كِتَف مِ الاتنين لـ تَحْت بـ تُقْلَهَا

جِسْمِكَ يَمِيل

كان فيه ما بينا حاجات كتير

لَكِن مَاطُنَّش يبقوا فيها

وَتُحْضِنِيهَا، فِي كُلّ مَطَرَح بَتروحيه

إخلاص لَهَا!

واول ما أَيْقَنْتِكَ زِعَلت

ودَخَلت شارع غيره بُعْداً او هروب

شوفتك زُهلت!
إزاي بتبقي في كل شارع بدخله؟
بهرَب لـ جُوءَ المَصيدة!
زي الغبي..
لأ والغريبة في آخره برضو
بنفس ترتيب القَدَر
عاجبك كِدة!.. تبقيلي طيف
لأ والمُخيف
بخلق مِسافة تَكْفِي أكثر من قرار
يا ادخل واشوفك وافقدك
يا ارجع واعانديك بالفَرار

قال أنَّه «تعبان مش هيقدر»

وأنَّه «ييموت م الوجع»

علشان مينزلش يقابلنا

واعترض

صاحبي الي قال كِدْبَة وَحَبَكْها

بتجري أسرع مِنْهُ وبرجلين طُوال

يقضوا الغرض

وانا رجلي اقصر مِنْها توهمت مجبتهاش

صدَّقْتها!..

مات من يومين وبدون سبب

أو فيه ومبانش

سبب الوفاة:-

كان التمارض مش مَرَض...

٧ محاولات إنتحار فشَلوا

٧ محاولات إنتحار فَشَلوا

أو للأمانة أنا السبب

كسَّرت كل ساعات البيت - حَذَّر -

صوت العقارب كل دَقَّة سئيل ب شكل

وكأُتُه مِرْسال إنتظار

وانا عندي عَجَلَة مِن الشيطان

والصبر صِفَر..

«قطع الشرايين» أنثوي جداً

مايليقش عليا ولا ف بالي

مايجبش مسك السكينة

ولا عمري قتلت مشاعر حد

ولا قطع وصال

ولا وتر الحب في قلب صديقتي الي قالتلي :-

«بِحَبِّكَ جدا

بالرغم بأنَّك مش حابب

وإن ده لا بـ أيدي ولا بـ أيديك

مكتوبلي ماخُشَّش في وريدك»

فد فتحتلها!

والمبني عليه

القطع مُحال بالنسبالي

وبدأت افكّر في بدايل :-

- أول ٣ إخترت حبل المشنقة

وإخترت وقت يكونوا بره في شغلهم

ودّعت أشياء م الأكيد هشتاقلها

وطلعت اركب حبل بس يكون تخين

وبدأت عد تنازلي

واول ما بوصل صفر.. برجع اكرره!

فيه حاجة كل ما اقول هموت.. بتشدّني

قَطّعت صوري معاها ومَسَحَت التاريخ

والذكريات

ودموع جميع الخلق بعدي

ان جت في صف تَحْيِي

قررت اكون قاسي وحَجَر

ماحسبيلهاش

وطلعت اجرّب من جديد

وبدأت عد تصاعدي.. طَوَّل أوي!
فيه حاجة نَقِصَتْ في الي معمول حِسْبَتَه
قولت بناقِصها.. وجيت أنْط
الظُّهر أَدِّن فجأه!
قررت الرجوع عن فِكْرِي
- ومحاولتين فوق سطح بيتنا
مايين هخاف م الوقعة دي
وبين هخاف بعد أَمَّا انط
يشوفني حد او اتلِحِق
فد اكْمَل عُمرِي بين عاجز وبين مكسور
وده قتل يومي بكل سكاكين الوجع
وبدون نجاح..
- ومحاولتين بالبُعد عنها إلى الأبد
فد عَلَبْنِي شوقي لـ ثانييتين.. كانوا مُعَاناه
كَلَّمْتَهَا..
وَفَتَنْت على كل الي فات
فد حَدِثْني من قلبي بـ سذاجتُه لـ عندها
أو للحياه!

...

زَرَعْنَا القلب عِ الناصِيَةِ
حَصَدْنَا حبيب مابِعَدِش..

آخر جواب

آخر جواب..

كان فيه بوادر الانسحاب

لجل الخروج م الإكتئاب بالفضفضة

آخر جواب مش من فضا

وماهوش عتاب

ده عشان اكمل راضي مُجَمَل سَكَّتي

مقصدش مِنْهُ.. إني ناوي نكون سوا

بالعكس تأثيرك فَلَت من جتتي

زي الهوا..

مابقتش بسرح في اللي فات من عُمرنا

مابقتش بزعل او بخاف او برتجف

شكل الحياة راح م المؤكد يَخْتَلِف

والراحة دايماً تتحسم حسب الدوا

حتى الورق..

مابقاش يزورني في وِحدتي

علشان اسبيلك فيه حَصِيلَة كام سنة

وان الفراق خلاني سُسخة لـ مُنحني
او حتى اقولك إني مافضليتش انا !
لجلن تردي وتكتبي..
فدياريت بلاش تستعجي!
لو قولت إنَّك بس هاجس ع الورق
وإنَّك مُجرَّد شوق وخدني لمفترق
وإن انتي قش ساعدني لكن.. ع العرق!
ده لإن عُذرك في البعاد كان مُحتلق
وان انتي كنتي بتكدي
مابقتش بسهر في الشتا تحت المطر
ولا حتى احب الوقفة تحت البلكونات
مابقتش اصبر بيكي قلبي الي انفطر
مابقاش فاضلي في ضلي شئ م الممكنات
جواباتك الي شالتها عيني في نَنِّها
خوفاً عليها من التَّلف او م الضياع
كلماتها كانت اكسجيني لكِنِّها
دايت من الخوف الي غيَّر الانطباع
اسفلت شارعك الي خد على خطوتي
مابقاش يدوقها صُدقة من يوم بُعدها

اسفلت شارعي الي ابِتَسَم على ضِحْكِيكَ
معادش يضحك تاني ليه من بعدها؟
صَمَّة إيديكي الي إنْعَزَمَت لـ حُضْنَهَا
ما بقتش تفتحي اما اخْبَط واطلبه
ما بقتش تسمحي بـ عياط على كتفها
معادتش تتصدر لـ حُزْنِي ف تِغْلِبُهُ
سبب الكلام.. شرح ل هلاوس مزعجة
مش من دواعي المسألة والإحتياج
وما هوش جَرَس دَقُّه الحنين بالمطرقة
انا بحمي روعي من مشاكل الازدواج
وعشان ماخُشَّش في اكتئاب ويهدِّي
ويدوب هَوَس طيف الهروب لو شَدَّنِي
وابقى في طابور عرض الأمل ف يعدِّي
كان لازم ابعت وقتها آخر جواب..

...

انا واني كُنَّا وَلَا اقولك

«كُنَّا» ملهاش اي مطرح في الي جاي

مش هداوي الماضي بالضحك الكثير

مش هعدّي الأزمة ب هروب مِنّها

الذكرى حالفة ترَجِّعك فيا ب ضمير

وانا عندي مَخْرَج من مكايده زَنّها

عجلة الأيام تَعَدّي على الي ساير

مابتَقفش على الي رايح.. هي سُنّة

ترتبط افعالي ب جميع الضماير

إلا ماضي وحيد مُجَرَّد.. هو "كُنَّا"

SKIP>>

المَرِّخ

(Level 2 - completed)

بينوكيو - Pinocchio

بينوكيو ازاي
فَصَلْ مناخيرُهُ عن وشه
ورجّعها؟
وشال رجله يَرَيَّحْها
وفك إيديه وجمّعها؟
ملوش في القلب ومشاعُرُه
خَشَب.. وان شَب
يصبَح باب
عينيه مفيهاش بحور احزان
تَنَزِّل موج
في وقت الضعف ك الإنسان
لكن يتحب..
لدرجة لو طَلَب عَيل صبا ع من إيده
هيفُكُّه

ويسهر في الليالي البرد
يخون الشجرة ويا الفرع
عشان يعمل صباغ غيره
بدون ما ضميره ما يشكّه
يخاف من نارنا لـ تطوله
وهو قصير
ويفرد في المحيط طوله
ومبيغرقش - في التفكير -
بيكره م الطلاء لونه
ويكره م الحديد صدأه
ويزعل لو شجر فارقه
عشان شغلانه مضمونة
في اوضة نوم..
دولاب وسرير
يارب حبيتي لو تقدر
تتركب قلب من طوكيو
ولو كان الرغل ضافر

ميتخربّش.. وتسافر
في مركب ضايعة من عيني
تسيب إيد البعاد يمشي
ومتعيّطش من رمشي
ومتيلّش بواقي الروح
وانا ابقى جماد كما بينوكيو

...

قدّم لها الورد البلاستك

جاملته

وقالتله ريحته المرة دي

اجمل كثير

وقالتله راح تسقيه ب كلام

عنه وعينه

جبرت ب خاطر الورد

رفقاً بالفقير...

مُسْتَهْلِك مُسْتَهْلِك

اكيد جرّبت قبيلك ناس

مُسْتَهْلِكِين

اكيد جرّبتني قبيلك ناس

مُسْتَهْلِكِين

عليا ضريبة إستعمال

وكام خربوش وكام خبطة

وكسر قديم من الإهمال

وفيا زوايا مش ظابطة

وفيا صراحة فوق الوصف

وآه.. ترّبت قلب نضيف

ومكّنتوش

وقلبي الحردة لسة لطيف

مصعّرتوش

مَعْصَشْ إِلَّا مِنْ جَرْحُهُ
وَأَثَرُ الْعُضِّ فَوْقَ سَطْحِهِ
مَلُوشْ تَجْمِيلْ/ وَمَشْ هَسَّالْ
مَتَتَفَاجِئِشْ أَنَا بِصَارِجْ
مَاعْنَدِيشْ قُدْرَةَ وَلَا طَاقَةَ
أَسْدَدْلِكْ دِيُونْ جَرْجْ
أَوْ أَتْدَايِنْ بِذَنْبِ جَدِيدْ
فَدِتْحِكِي لِي غَيْرِي تَفَاصِيلِكْ
وَنَفْسِ الْعَصَّةِ هَتَجِيلِكْ
بِحَذَّرْ بَسْ!.. مَشْ تَهْدِيدْ
وَعَنْدِي الضَّغْطْ مَشْ وَاطِي
وَمَشْ عَالِي وَمَشْ مَعْدُولْ
وَمَتَفَائِلْ بِإِحْبَاطِي
وَنَبْضِ الْقَلْبِ كِ الْبَنْدُولْ
وَهَادِي وَاحِّبْ إِنْصَاتِي
وَبِرْغِي بِشِدَّةٍ لَمَّا بَقُولْ

وليا اصحاب على الهامش
وع الهامش مانيش صاحب
وجلد الجبهة لو كامش
بكون في الضيقة مش راغب
محاولة الانتحار فشلت
مجرّبتش.. بحمّنها
محافظ عمري واتنشلت
وملحقتش اءمنّها
وبسهر افكر الذكرى
واحب الصدقة مُدمنها
مبتأثرش بالحكايات
وبحكيها ف بتأثر
بكلم نفسي اغير منها
واكلم غيرها تغريني
اظنّ كفاية.. خَصّيتك
ده طبع صراحتي ساحيني

تَحَبُّ الدبش والزقة

ولا إختِشيت

ولوع الميزة «حَبَّيتك»

موافقة إنَّك تحبيني؟

ولو منَّك هقول لأه

قامت مِشيت!

...

التكنولوجيا وسحرها
مافيهاش علاج للإحتياج
ولا تعويضات للمفقودات
ولا تأكيدات للأُمْنِيَّات
ولا عُمر غير الي إتسَرَق
التكنولوجيا في عِزِّها
اضعف من الخوص والورق

في الرحلة

يا ترزي الرحلة فصّلي
مقاس اضيق من الضيق
وضيف مَحْرَج يَقَرَّبني
لـ آخرِ نفسُه يوَصلي
ونفسه اروحله في التوقيت
يدوبك كام مطب فاشوش
بيمنع اني موصلوش
ولازم وقعة تحصلي
وبخسر ناس طول المشوار
تُفك زُرار احط زرار
واقول الدُّنيا هتَعَدّي
وامثّل اني من غيرهم
ضليع في الضحك مين قدي
وبرمي الحِمل ع الأعذار
وتَقطع بالدموع عُزْرَة
اداري القطع بـ ايديا

عشان ميبانش من عيني
 تزيد الفتحة تاذيني
 واقول معلش دي عينيا
 طرفها صباغي بالغلطة
 وعارف انها اوانطة
 مش الطرفة الي تبكييني
 مفيش كداب بدون تمثيل
 ولازم تحبك الكدبة
 مفيش ولا شهر مش إبريل
 مفيش اوجاع بدون ندبة
 مادومت بـ إبره تـكوييني
 وتـعكس اصل تـكوييني
 فـبرفيها بـ رقات ميني
 واءـ كـد عـ الرقات بـ رقات
 وبـتني الباقي من عُمري
 عشان مايدوقش م الأزمات
 وافـصل جيب من الذكرى
 واحوِّش حظ ينفعني
 في اهلك واحلك الأوقات

وبعد ما تَخَلَّص الرحلة
باحس بـ وحلة الوحلة
لإن المَخْرَجِ إنْقَفَلَ
كأن العمر كان قاصد
يقولي معادش فيه آخر
وان الفايدة في الرحلة

...

يا صاحبي فارق.. وَلَا اقولك

بيننا عشرة وعيش وملح منبسا هوش

اينعم بزعل لكنني.. باقي ع الحلو الي فيك

فيا ميزة وعيب قاتلني.. ان زعلي ثقيل وأديك

كل ما بتبعد وترجع.. تلقى ضيقة وهم خدني

وإني لما إحتجت كتفك.. اجي ادور مش لاقيك

SKIP>>

المُشْتَرَى

(Level 3 - completed)

حق الموسيقى ع الدُخان

كان يحصل ايه؟
لو كل نوتة موسيقى سمعتها إجتسدت
واتمددت
وبقيت بشوف الـ «دو- ري - مي» ويا الهوا
فيه حاجات اظن هتختلف
تتحل مشكلة الأصم مع الموسيقى
يشوفها تَمَّ يحسها
مُشكِلتِي ويا الزحمة والدوشة الصُداع
وانا شخص بتنقّس هدوء
يخْرُج زفير «أكسيد تعب»
يتحول الشارع بيانو وأرضه مفاتيح تبتدي
تعزف بـ حَظوة كل فرد
وكل ماشي يضيف لـ غيره.. يكَمِّله
ونضيف شعار جمب القراءة
«العزف مسموح للجميع»
والرقص ممنوع ع الوحيد من غير شريك

لو حتى ناوي يَمَثُّهُ

إِشْمَعْنَا دُخَانَ السجائر والعوادم والتراب

- النوتة أولى -

في منافسة بين دُخان ولحن

في مين احق نَشُوفُهُ او نِسْتَهْلِكُهُ

وبدون محاولة

اللحن يكسب بـ إكتساح

عُمَرَكَ قريت مانشيت صحفي خطير يفيد:-

-«مزيكا قتلت شخص افراط في التعااطي»

-«الحن أدى إلى الوفاء»

-«تركيب مُرَشَّح للكمانجا عشان بتعزف لحن بيلوث هوا»

عُمَرُ الموسيقى ما كات حَظَر

زي المُتَاح

نتايجها ابسط من كده:-

*بتقلل الحزن في كرات دم الحزين

*تفتيت جُزْئيات الملل في الاوردة

*تفعيل مضادات إكتئاب

فدهيحصَل ايه لو شوفتها!

وجيت اولَّع سيجارة دَخَّنت كوبيه

عشوائي من غير إختيار
وف مَطْلَع الأُغْنِيَة يسْكُت كل صوت
سَبَب نشاذ من حولها
او يبقى عندي فضول اقْرَب
من سيجارة حد جنبي
اشوفها واسمع دَخْنِت أُغْنِيَة ايه؟
اولما اكون في طريق وحيد
أسمع «Sinatra» أو «Adele»
لو مرة من غير سَمَاعَات
ب شعور اكيد أُحَسَد عليه
او حتى ليستة مفضلة.. وبصوت نقي
يدخل مباشرة لـ قلبي
بدون ما يلمس اي ضلع
يرويلي دَبْلَان ورْدُه من كُتْر الألم
يصبَح بوكيه
فيه حاجات بسيطة مُعَقَّدة بفعل البَشَر
وَحْدُه الخيال يقْدَر في لحظة يُفَكِّها
مديون يا دُخَان للموسيقى
وكل آلة ومُسْتَمِيع

لـ كل كُحَّة وكل سرطان في الرئة
وكل تكاليف الدوا
كات هي اولى بـ كل حق بتملُكُه
من حيث ظهورك للعينين
كان يحصل إيه؟
لو كل شئ حواليا أصبَح سَمَّاعات
والكون وسيلة لـ تَرْجِمَة لحن الآلات
عبر الهوا
وبقيت بشوف كُل النِوَت
بتلِف حوالين البشر وبتترسِم
في الحالة دي..
ضِلِّي الي مَبِيطْهرش غير حُزن وغموض
او صمت تام
ممكن اشوفُه بِيَتَرَسِم

هَيَّ مَزِّيَكْتِي الْوَحِيدَة
الِي لَوْ هَتَكُون نَشَار
وَدْنِي هَتَوَزَّعْهَا صَح..

عطشان عُنا

لَمَّا إِنْسَجَمَتْ مَعَ الْعُنا
كُلِ النُّوتَاتِ إِتْفَكَكْتِ
وَإِتْجَمَّعَتِ وِيا الهُوا
فَجَاءَ الْغازاتِ إِتْلَحَنَتِ
وَإِتْمَايَلُوا بِإِيقاعِ مُنْتَظَمِ
مِعادِشِ شَيْءٍ ثابِتِ هِنا
وَالْكُونِ صَبِيحِ نُوْتَةٍ وَآلاتِ
الرَّقْصِ سَلُوا اللَّحْظَةَ دِ
وَانا رُوحي رَهْنِ الْإِنْفلاتِ
هَسْرَحِ وَاطِيرِ، دِلُوقْتِي غَيْرِ
الْكُونِ بِيرْقُصِ إِلَّا انا!
كامِ سِمْفُونِيَّةِ وَكامِ مِقامِ
بِيرْدُوا عَلَي بَعْضِ بَ شَجَنِ
وَبِيانو بِنِفافِيسِ كِمانِ

على رتم هادي بدون اصول

تمسك ب ايدي ال «مي - فا - صول»

وتاخذني عالم راحتي فيه

كل الهدوء ساكن هناك

العزف زي الأكسجين

كل الآلات بتعيش عليه

«ري» تبتكر أسلوب فريد

في الرقص ويا الناعمة «دو»

ف اضحك لهم، تهادينني «مي»

لحن إرتجال محلى الكادوه

والمعزوفات آخر جنان

لما إنسجمت مع الإيقاع

حسيت بـ إن الوقت ضاع

الرقص كان دون إنقطاع

وانا كنت اوتار المكان

اعزف ف يفضى من البشر

او قلبي يتكدس سكون

الكبت للإحساس سجون
وانا حُر في قيود الهوا
بلقى الدواء في لحن الهدوء
والقى الهدوء في اللاهدوء
فجأة إنتهى اللحن وبفوق
ف عطشتُهُ تاني من الودان

• • •

عَمَّروا خِزْنَ البِنَادِقِ.. حِلْم
واصنعوا بدل الخنادق.. بيت
اطلقوا بدل العيار.. أجيال
يقلبوا الارض الي بارت.. غيط

حرب الآلات

إبدأوا الحرب النهاردة بالموسيقى
واوعوا تنسوا تعمروا خزن الآلات
علشان تكفي المعركة والإحتلال
كل اللي ممكن يبقى ميت
- لحن خسر الأعداء نزال
- وترا تقطع..
من فرط تنفيذ النوت
أو ضرب طلقات الـ «دو - ري»
- آلة اغتنمها الخصم مكسب
بعد فوزه
وكل جيش يقدر في لحظة
بتون يرُد
اما اللي برّة الحرب هيعيشوا المنافسة
بـ ودنهم
والإحتلال أصبح بدون.. حرمان وضرب
أو إحتلال في توازن العيشة بسلام

مستمعين بالحرب مع إن المُسمى

خطير.. يُخْض

ف بدّلوا كلمة «ضحية» بـ «لحن سيء»

أو «وتر»

يبقى «العساكر»

جوه فُم الممعة بـ «العازفين»

و «إيلات»... «آلات»

«أهل البلد» بـ «المُستمع»

و «رصاصه» بـ «العزف الحزين»

ع النهج ده..

ممکن انقّب عن حلول تفشي السلام

جوه الحروف.

هربط جبال..

مقطوعة بين كل الدول، مع بعضها

وارفع علّم «عالم سوي»

فيه جرح يتدواى في ساعتها

وخوف من الآخرة وساعتها

ووسع في الدّولة وسّعيتها

وحجمها..

فيه ورد يقدر
يسقي نفسه بنفسه لو..
كان جه عليه وقت ودّيل
فأكتب نشيد واحد يغنوه الجميع
هنا ممكن اعمل تورية بالحرب دي
تاخذ نوبل!

يا حِلْم قَرَّب.. وَلَا اقُولُكَ
رَبِّي كَاتِبِ إِنِّي اتَّعِبُ فَا الْحَقَّكَ
بِسْ مَتَسَوْقِشِ الْبِعَادِ وَتَغِيبِ أَوِي
هَجْرِي عَلَى أَمَّا هَقْدَرِ وَأَوْصَلْكَ
وَابْقَى خَائِفٍ بَعْدَ مَا اتَّعِبُ بِالْقَوِي
يَطْلُعُ الْمَجْهُودُ قَلِيلٌ.. وَلَا فَشَلِي يَحْصَلْكَ

SKIP>>

زُحِّل

(Level 4 - completed)

كابوس متشافش

بَكَلِّمْنِي..

وواقف فوق جبل ناطح

سحاب صفى زمان روحي

ودلوقتي..

يَغَيِّم من سوادها الخام

بفكر ائط من فوقه

عزائي الوحدة والأحلام

وغيرتي على الفرص لما

هتكها الحقن بالأوهام

وإدمانها الفشل مهما

عالجها الصبر كام مدة

لحد ما جف صبره وباش

يأثر خوفي ع العدة

تزيد درجة حرارته الضعف

وغلّبي الفرع والضعف

ودقات قلبي تستعجل

يهل الموت يوقفها

بقَدَم خطوتين بالرعب

وارجعهم في نفس الوقت

خلاص..

مش عايز اموت دلوقت

وهرجع ثانية للماضي

واودّع كل شئ ممكن هيوحشني

بنات افكاري تتسرب توشوشني :-

«هتمشي خلاص مفيش ولا حل»

ارد عليها من دمعي الي حوّشّته

محملّ كره للعمر الي حوّشني

واعيد الخطوتين ثاني زائد خطوة

واعصاي.. تفارق جسمي بالتدريج

واسيب جسمي...

يعافر في الهوا الملهوف

يحاول انه يلحقني
وخارج عن ارادته يسب
يزورني الماضي من تاني
بنفس الدقة والترتيب
مشيت طول عُمرِي في الدُنيا
ومعْرِفَتِش هروح على فين
واقول مش فارقة طول او عرض
لأول مرة اكون رايح
وعارف ان اخري الأرض
مفيش ولا شئ هيمنعني
لأن الوقت فات ع المنع
تاخذني الأرض حضن شديد
في احسن حضن جرَّبْتُهُ
أَخَذَ هَمِّي .. وَأَخَذَ ضَغْطُهُ
وافْتَحَ عيني مستغرب
فيه نبض ولسة بتنفس ؟
ادقق في الحاجات اكثر

وافوق م الصدمة والغيبة
أطمئني.. واقول «متخافش»
وهنقول الي شوفته ده كان
كابوس حالك..
ف جه ومتشافش!

...

قَعَدَت عَيْنَا اللَّيْلَةِ دِي
فَوْق السَّحَابِ تِسْتَنْظِرُكَ
يَا هَلْ تَرَى؟.. الشُّوقُ نَدَاهُ
أَمْ كُحْلُ عَيْنِكَ حَدَّرَكَ؟
فَزُورَةٌ صَعْبٌ أَحَدَّرَكَ..

سَبَقْ إِصْرَارِي

حَلَمِي تَحْتَ الْهَآوِيَةِ زُقَيْنِي
مِشْ هَمُوتِ الْحِلْمِ هَيْشِيلْنِي
مِشْ جَرِيمَةَ وَذَنْبِ دِي مُغَامَرَةِ
سَبَقْ إِصْرَارِي وَرَجَاءِ مِني
رَجُلِي وَاقْفَةَ وَالزَّمَنِ مَاشِي
رُوحِي طَآيِرَةِ مِينِ مِگَبِّلْنِي
كُلْ مَا أَنُوي أَطِيرُ أَرْوَحُ وَاقِعْ
مَوْعِدِ الطَّيْرَانِ مَا جَلَّنِي
بَرْدُ كُلِّ النَّاسِ خِلَافِ بَرْدِي
كُلْ كُحَّةُ خَوْفِ بَتَقْتِلْنِي
صِدْرِي مُسْتَوِظْنِ أَمَلِ تَايَه
بَفَرَحِ إِيَّيْ لَقِيَّتُهُ، تَوَّهْنِي
كُنْتُ أَوَّلَ صَفِّ فِي الْفَرَحَةِ
حُزْنِي شَدَّ الْكُرْسِي، مَوَّهْنِي
كَرَّ قَلْبِي الْعُمَرُ عَلَى مَهْلُهُ
بِخَسَرِ الْأَشْيَاءِ بَدُونِ مَا أَدْرَى

فيه شوارع فاضية جوايا
مين هيزعل لَمَّا اعزّلني؟
كل دول اعدائي من صُغري
كات إجابة كُل شئ لَأُه
جلي واقف تحت مستني
وانتي بتفاصيلني في الرَقَّة!

...

السطر ده مكسور.. فَ وَصَفَنِي بِالْمِلِي
المعنى ده معذور.. بِالصُّدْفَةِ صَار خِلِي
شال عني نُصْ الهم.. وَالْبَاقِي وَرَّعْتُهُ
ع القافية والأفكار.. وَفَاضِلِّي كَام مِلِي

مُحَدَّر فِشْنِك

يقول: الجوع، اقوله: شَبَع

يقول: مَجُوع، اقوله: شِفا

أحس ف عينُه حُزن اضحك

يقول: مُحْتَاج، اقوله: كَفَى

يقول: الموت، اقوله: حياه

يقول: بردان، اقوله: دَفا

ببمسح حُزنُه/ يتحبر

يقولي واقولُه/ يتصبر

يحس ب شئ اقول ضِدُّه

واخذَر ضعفُه مياأثرش

يسد الجوع ب قول ناشِف

وصبر إتعَرَّى من جِلْدُه

ب اخْطِي ب املي في عروْقُه

وتغرز رجلي في شقوْقُه

ف يلِمِس ضعف في ردودي

وقِلَّة حيلة موقوْتَة

ببتفجّر قصاد عجزه
وبتدمّر حيطان جلّده
كلامي معاه مكانش علاج
لكن تصبير عشان يرتاح
تَحِيلْ إني فيا هدوء
وفيريون قلبي في العالي
وهَمِّي إتصَفَّى وإتبخَّر
فء حب يشوفها ب عينا
يرتّب في اللي متبعتر
دَحَلْ علشان يزيد فيا
خَرَجْ ناقص حاجات اكثر
...

يا صُبح شقشق.. وَلَا اقولك
بُكره جايز يبقى اوَحش م الي فات
وَلَا مُمكن تبتي في كشكول جديد
تبقى اول صفحة بهجة ونور يعيش
واقفل الكشكول ب ضَبَّة من الحديد
وارمي كشاكيلي الي صَبَحَت متساوِش

SKIP>>

أورانوس

(Level 5 - completed)

القُبْعَة السودا

دَخَلْني الشِّعر من أوسَع بيبان روحي
وددق نفسه ك المُسمار في جُدرانها
فَرَشَت الفكرة سِجَّادَة ومداس لـ خُطاه
وصار الوحي عنوانها وإدمانها
دَخَلْ للملم خُطام نفسي وجمَّعني
خَرَجْ كُل الي فات مِنِّي ورجَّعني
وخاب تصويب سِهام الهم في نَشانها
كُتِبَت قسايدي من وَحي اني متشَوِّش
ف داب الشعر فيا وقولت انا مرايئه
بيستقبل سطور القاسية لَمَّا تثور
ويستحملني لما ازرع حروفي البور
أذيتني فوبيا الإختلاط بالناس وأعمالهم
أذيت فوبيا الحنين للذكريات الزور
وَقَصَّيت الحياة مغلوب بدون ما لعب
وكننت مع الفشل في الدور كثير بَصَرَة
اخذت الحظ من جيبي الي كان مقطوع

لكن مليون.. بـ صنف الحسرة والكسرة
بنيت عالم يكون عالم بـ أحوالي
وبيه هجمع ما بين السحر وخيالي
وفيه ضعف الي انا إتمنيته إجمالي
وعقلي القُبعة السوداء...
وقلمي الإيد
يمد بـ حبره جواها
فـ يطلع مني سطر جديد
هـربت مع القمر من ثقب متبقي
رَسمت الشمس بـ جناح زي ما اتمنيته
وصلت بـ تشبيهاتي لـ حضن من حقي
جريت جواه وأول ما انبسطت.. مشيت!
عاتبت الليل على الأحزان في سهراته
وعدني يبدل السهرات... بـ حلم سعيد
عاتبني عشان..
غازلت المرة دي مرأته
وقولت «الليكة» دي اجمل ليالي العمر
ومن حيث القلـك..
فـ إتفقوا على بُرجي

بيكون البُرج من حالي وإسمه «وحيد»
دَخَلت الوحدة من باب الـ «مفيش غيرها»
وسببت الدنيا من باب «نفسى مرجعهاش»
كِرِهت الكُره في طباعهم ورا التمثيل
وَحَدَتْنِي صاحب ألجأ له في تخاريفي
ومهما بتوه معاه في السكة ميمَلَّش
ولما احتاج.. مايجذِلنِيش وميكلَّش
فَقَصَرْت حياتي ع الكلمة وع التشبيه
وصاحبي المَجْدَع الي انا عَنُّه مستغناش
رَجِعْت من إغترابي.. في قرية الوحدة
وسايب فدانين إحباط
ماصدَّقْتش..
بإن الشَّعر حل هروب
لَكُنْه بـ صورة يصنَعُلك صحاب إسقاط

...

الجريمة الكاملة كانت
يوم ما سابت.. بين مسامي
بصمة الإيد في الوداع
بدلت بصمات أيديا
يوم ما فارقت بـ إختيار
يومها شددت حبل روحها
فوق عنق روعي / بإيديها
وهي بتسلم عليا
فـ بانـت الوقعة إنتحار...

بَصْرِفِي

كُلّ الي انا شايِلُه في مَحَفَظَتي
كان هي..

وَنَفْسي اُظُن مَفِيش
كنت اصْرِف مِنِّي واحَوِّشُها
مَصْرَفَتِش مِنها ومش صارِف
كل التحوِيش ده ومش عارِف
إزاي ضاعَت.. مع إني حريص
كنا بنتعازِم على بُكَرَه
ك تذاكر قطر بتحلا لي
ف اقطعها بـ رَغَم اني عاوزها
فَقَطَعَتْنِي وملِحَقَتِش بُكَرَه
من يومها وهو مبيعَدِّيش
كل الي انا شايِلُه في أيامي
كان شَيء مُتَوَقَّع ميَكْمَلْش
جوابات كُتِبَتْنِي وبعَتَتْنِي
ولحد الآن
انا لسة بدور ع العنوان

ريجة برفان لابسة هدومي
كانت جيبها في عيد مجهول
تأثيرها كان اخطر م الدخان
بالوقت بتبعد زي ما جت
اذا كانت هي او البرفان
الكرسي اللي في اوضة نومي
إتكسر بدري عن المعتاد
ملحقتش اقله هتوحشني
معرّش حقيقي يحوّشني
او يصرف مني كلام وقُعاد
كل اللي انا شايله في احلامي
وهمين ما عرفتش اغيّرهم
«هوصل» و «وَصَلت»
وموصلتش!

ولا حتى عرفت آخرهم فين
بقطع نص المسافات بالكاد
وأتعشّم فيها ف تكسّفني
لسة الأوهام مالية جيوي
وانا لسة بحوّش... وأصرّفي

...

يا كرب هَوْن.. وَلَا اقُولُكَ
يَمَكِّنِ الْحِكْمَةَ اني اصْبِرُ عِ الْبَلَا
حَتَّى لَوْ هَتَشْتَّى هُم مِّن السَّمَا
كُلْ كَرْبِ جَزَاؤُهُ نِعْمَةٌ مُّقَدَّمَةٌ
كَلَّمَا زَادَ التَّعَبُ.. رَقَّ الْجَزَاءُ
كَلَّمَا زَادَتْ نِعَمٌ.. صَابَنَا الْعَمَا

SKIP>>

(Level 6 - completed)

لو إتأخّرت لـ دقائق

لو إتأخّرت لـ دقائق
وكنّت نسيت فلوس مثلاً
رجعت تجيبها متأزّم
نزّلت بسرعة لـ معادك
وفرّقت خطوتين بالضبط
وكان ممكن تكون حادثة
تموت فيها..
لو انت نزّلت في معادك
بدون الخطوتين الفرق
هتعدّي بنت..
الي انت كان ممكن تشوفها تجبّها
لو كنت سرّعت الخطى ولمحتها
غيرك هياخد Taxi كات عينك عليه
يوصّف مكان غير وجهتك
فيروح عليك.. إنترفيو افضل وظيفة
لقتها بعد عناء وصبر

هيخُش فيه غيرك وياخذ فُرصتك
 وانت ال CV بتاعك مؤهل للقبول
 دون ادنى شك
 آخر معاد قطر لـ رجوع
 تسأل يقولك:- «لِسَّة طالع من مفيش!»
 ويضيع عليك مَقْعَد اخير
 في درجة ثانية مُمَيَّزَة
 تحسّر ثواب إِنْكَ تَعَدِّي ضرير عجوز
 ناحية رصيف
 من شخص له خطوات سريعة
 ولِحْقُه قبلك... وَصَلُه
 تندم عشان سِتَّكَ «كذا»
 طلبت تشوفك قبل لحظات م الوفاء
 كنت إنت جيت من بعدها
 ملحقتهاش..
 وقعدت تبكي تقول «ياريت»

لو إتقدّمت لـ دقائق
 ومانسيتش الفلوس مثلاً

هتتعرّض لـ موت مُؤسّف

هتعدّي بنت

الي انت كان ممكن تشوفها متعجبكش

وركبت Taxi كات عينك عليه

تلحق معاد إنترفيو افضل وظيفة

لقتها بعد عناء وصبر

تدخل وتاخذ فُرصتك

يطلع سراب!..

ومميزات في الإعلانات

عكس الحقيقة المطلقة

تلحق معاد قطر الرجوع

تحصل خناقة ومُشكلة

وبوليس وقسم وبهدلة

تلحق تعدّي ضرير عجوز

فـ يقولك:- «إبني معايا تُشكر ع الجميل»

ماتعدّي هوش

والنية في الحاليتين ثواب

تلحق تشوف سِتّك «كذا»

ويعيش معاك..

مشهد طلوع روحها السما
ومتنسا هوش من شدته
وئصاب بـ نوبة إكتئاب

لو إتأخرت لـ دقائق
فده لـ أسباب متعرفهاش
وده الأنسب وأصلح ليك
وكل ما كان هيقالك
لـ غيرك يبقى متسخر
لو إتمنيت
بإنك تبقى في معاذك
وشوفت ما كان هيحصل لك
تقول من تاني بـ إرادتك
ياريتني نزلت متأخر

...

النور قَطَعَ،
ولَّعت شمعةً وقفت قُدَّامها
وببص لـ خيالي.. لقيتها ويايا
فتحت إيدي / ولسة هحضنها
النور رَجَعَ.. خافِت
تظَهَر في ضوء خافِت
وتختفي فيا
شغَّلت أغنية
وقفلت تاني النور.. ورجعت بالمشهد
بالنسبة لـ إرادتي:-
بصَّيت على الحيطّة.. ورقصت وياها
واستمتعت.. حسَّيت
زي امّا كان نفسي
بالنسبة للشمعة.. من زاوية الواقع:-
رَقصت مع نفسي!..

فوق السطور

بَكْتِبْ كَأَنِي الْقَلَمُ
وَكَايْنُكَ إِنْتِي الْحَبْرُ
فِيَا اْعِيْشْ حَيَاتِي اَكْتَبِكْ
أَوْ اَمُوتْ وَأَنَا فَاضِي
سَطَّرْتُ وَرَقْ أَبْيَضْ جَدِيدْ
عَلْشَانْ أَشُوفُكَ عِ السُّطُورْ
أَوْ فِي الْهُوَامِشْ لَمَّا أَحَبْ اَمْسِكْ اَيْدِيْكَ
أَوْ احْضُنْكَ
وَالْهَامِشْ اِيهْ؟.. غَيْرْ رُكْنْ مَبِيلْفَتَشْ حَدْ
وَأَزْعَلْ لَوْ اِضْطَرَيْتْ اَبُوسْكَ
فَوْقْ سَطُورْ كَشْكُولْ مَدَارِسْ
وَأَنْتِي عَارِفَةٌ بَغَيْرْ عَلِيْكَ مِّنْ الْغَرِيبْ.. لَوْ يَلْمَحْكَ
وَأَزْعَلْ لَوْ اَل «Correct» قَرَرِ يَمْسَحْكَ
أَوْ لَمَّا يَجْمَعْ بَيْنَنَا رَدْ «مَفِيْشْ نَصِيْبْ»
مَبْنِتْلَا قَاشْ..
غَيْرْ لَوْ خِيَالْ كَاتِبْ سَرَحْ

شَغَلْ موسيقي بيعتبرها المُلهمة
فَد رَقصنا مع حركات صوابه على السطور
وننط مسافات ويا بعض.. ونرتكز فوق النُقْط
او نكتفي..

اول ما يكتب نقطة (.) ك نهاية لـ كلام
بكتب كأني القلم

وان انتي حبر الروح.. مبتعرفيش نُقصان
بكتب فـ اقابلك ع السطور
او جوه هامش من خيالي

ده لما احب امسك ايديكي او احضنك
وخيالي ايه؟.. غير رُكن مبيلفتش حد
زعلان لآن البجي قرر يمسخك

وان الورق آخر مكان
بتمشي فيه عشمي المَحَك
لو حتى كان كشكول مدارس

من بتوع جوابات زمان
طيفك رقيق.. وبرغم ده زي الحديد
مبتلاقاش

غير لما بكتب لك كلامي المغناطيس!

بسمَ موسيقى يتعجِّبك
ولهذا سمَّيتها الموسيقى المُلهمَة
ف جرينا نرقُص ع السطور
وبقيت بشيلك كُل ما تحين المسافة
عشان محسَّش بيها برضو مع الكلام
فاضل ثواني على الموسيقى وتنتهي
وهترجعي مطرح ما كُنْتي وتحتفي
فَ كتبت نَقْطة (٠).. وقومت انا
...

يا ضُهر اذْن.. ولا اقوْلْك
نِفسِي مرّة الحق جماعتك في الحُسين
واخذ ثواب مع كل خطوة في الطريق
وابكي وادمّع في الدُعا عند المقام
وادي اني متعلّقش تاني بأي شئ
مش من نصيبي لِكِنَّه سَبيلي ازدهام

SKIP>>

بلوتو

(Level 7 - completed)

لو/كان

«جُغرافيا الخط الرأسي لـ كوكب «كان»

مافيهاش ألوان.. غير الداكن

مافيهاش ولا اخضر ولا يابس

مافيهاش ولا واحد مش يائس

ومالوش احزان.. بانية مساكن

توقيته الدولي مجوز بيدور

عكس الأزمان

توارىحه عشان رهن إمبارح

فـ جديدة قديم

وقديمه سيان

بيعيد ويزيد في الي بننسا

والي بننسا بيعيد فينا

وبيبني صخور من حكاوينا

إحنا سفينة وهو الرُّبَّان
والبحر الميت مات متساب
من غير اسباب.. نُسْتَنْجِها
والبحر الأبيض حَب وداب
في حبيبته وغيره إستدرجها
مِسْتَنِّي تعود.. بيحَنَّاها
من قرن غياب
الحاسة السادسة المجهولة
لو تقدر تنسى وبسهولة
كل الأحداث المنقولة
على هَضْبَة ماضي في صحرا الليل
من غير تأويل
الخط الواصل بين بُكْرَة
وبين امبارح..
محتاج تعديل
مليان تعاريج مِش موزونة

في الكوكب دُنيا ومسكوّنة
بالذكرى وغيرها من التفاصيل
والوقت ييمشي ببطء غريب
يمكن عقرب لدع الثاني
ولّا لدعني
علشان لما ادخل جحر الخوف
مطلعش جريح او يتخدعني
ولا يقدرع اللدعة الثانية»

«جغرافيا الخط الراسي لـ كوكب «لو»
من حالة الجو
فيه سحاب بيثيلك بـ جناحه
ويساعدك تصنع شكل الآن
بـ قديم إحلو
ويمطر دفا يسعد بردان
بـ جراح ساحوا

والسما ارض الحالم مالسّة
والسكّة نجوم حلوة وسليسة
والقمر إندرب على رقصة..
«الخوف دبلان»

توقيته الدولي يجوز بيدور
عكس الأحزان
توارينه عشان رهن الأحلام
ف جديده خيال
وقديمه سيان

بيعيد ويزيد في الجاي لينا
وبييني سحاب من حكاوينا
هو سفينة وإحنا الرّبّان
وبجور السما ما تكفينا
الحاسة السادسة المجهولة
هي أنك تضحك بسهولة
بالضحكة الصافية المنقولة

على خد النِجْمَة في ضي الليل

من غير تمثيل

الخط الواصل بين بكْرُه

وخيال بَعْدُه

محتاج تطويل

ب مُعادلة بسيطة وموزونة

في الكوكب دُنْيا ومسكونة

ب سكون وهدوء ناعم وجميل

والوقت ييمشي ب بُطء غريب

يمكن عقْرَب شدُّه الطيران

ساب الثاني

اخر نفسه يشوف الدنيا

من رمش سحاب/ منظر ثاني

تتاخر علشائه الثانية»

جُغرافيا الخط الأفقي لـ كوكب «لو»

شبه موازية

لـ خطوط أفقية لـ كوكب «كان»

مش خاضعة لقوانين الفيزيا

نُصِّينَ لـ خَرِيطَةَ بَيْتَقَابِلُوا

عملوا من الواقع فانتازيا

...

خَبَّطْتُ..

قَالَتْ:- «مين؟»

فَ مَشَيْتِ عَلَى إِطْمَنَّانٍ

إِنْ الْجَمِيلَةَ بَ خَيْر..

جُوءَ الإِزَاة

الرؤية مالها مِنْغِبْشَة؟
غَيْبِيَّةٌ مُمَكِّنْ او هبوط
كُلْ أَمَّا اخْطِي..
اخْبَطْ فِي حِيْطْ نَاعِمْ طَوِيلْ
بِ نَوَاحِي دَايِرَة مَقَقَلَة
اقْعُدْ وَاكْتَفْ رَجْلِي بَعْدْ مَا اُضْمُمْهُمْ
بِإِيْدِيَا.. مِنْ فَعْلِ الرِّهَقْ
فَدْتَصِيْبِي طَلَقَة مِنْ الْهُدُوْءِ
انْزِفْ جَزَعْ
صَبْرِي اِتْمَزَعْ
وَالطَّاقَة خَلَصَتْ مِ الْمَفَاوِضَة مَعَ الْمَرْوَبِ
كُلْ الْحِكَايَة بِإِيْ بَاعَتْ
١٠٠ رِسَالَة لَمْ عِنْدَهَا
وَالصَّبْرُ بَسْ بِيخْتِيْرِي
حَطَّنِي جَوَهْ الْإِزَاة فِي عَرْضِ مَجْرٍ
وَرَدَّهَا حُلْ الْخُرُوجِ!

يا قمر فوتنا.. وَلَا اقولك
هي يعني السهرة تحلى إلا بيك
ضلم العالم بحاله الا روحنا
واري نورك بين قلوبنا وضلنا
لما كل الكون يسوس من جروحنا
مين في طبيبتك بيحاطنا يضمنا

SKIP>>

الزُّهْرَة

(Level 8 - completed)

رَبِّ الْقَصِيدَةِ

مَتَصَدَّقُوش..

الحُزْنُ فِي الشَّعْرِ الْخَبِيثِ

ذُئِبَ الْحُرُوفِ

بِيَمِصُّ إِحْسَاسَ الْبَشَرِ مَشْ دَمُهُمْ

بِيَدِّبُ أَنْيَابَ الْكَلَامِ

فِي عُرُوقِ مَاضِيكَ وَتَأْتُرِّكَ

وَالْحِرْفَةَ رَابِطِ

حَبْلِ إِحْسَاسِكَ بِقَلَمِهِ

يَمْشِي فَوْقَ مِنْهُ بِتَوَازُنِ

رَاقِصَةً فِي عَرْضِ الْبَالِيهِ

يَنْهِي عَرْضَهُ بِكُلِّ دِقَّةٍ

وَأَنْتَ هَتَصَقَّفَ عَلَيْهِ

هُوَ..

بَطْلُ الْقَصِيدَةِ مَنْزُوعِ الْأَمَلِ

عُزْلَتُهُ الدَّوْشَةُ وَدَمُوعُهُ

حُضْنُ مُسْتَهْلَكِ بَ كَثْرَةِ

برفانات راوِدِت قميصُه
وَقِعُوا بَيْنَ تَقْلِيمِهِ أُسْرَى
بَوْسَةَ قَطَعْتَ خَوْفُهُ مِنْهَا
كَلِمَةً قَتَلَتْ ضِلَّ حِلْمُهُ
وَعُمُرَ بَيْنَصَفَ مَكَائِهِ
مَشْهَدِيَّةٌ كُلُّ حَسْرَةٍ
هُوَ تَفَاصِيلُهَا الْمَثِيرَةُ لِلشُّكُوكِ
أَزَايَ مِيعَرَفَافِشَ وَيَعْرِفُ لِبَسَهَا؟
مَشِيَّتُهَا مَائِلَةٌ بِثِقَلِ سَنَظَةِ
فِيهَا لِحَظَاتُهُمْ سِوَا
رُوحِهَا إِلَى حَظَّتْهُوْلِهِ فِي مُقَابِلَةِ وَدَاعِهِ
مَشْ رَجُوعُهُ
صَوْتُهَا الرَّقِيقُ الْمُخْتَلِفُ
وَتَعَامُدُ الْحُبِّ فِي عَيْنَيْهَا
وَأَنْشِطَارُهُ أَتْنِينَ فُرَاقٍ
هُوَ..
جُوكِرُ الْعَرْضِ الدَّرَامِيِّ
وَكُلُّ أَدْوَارِ الْقَصِيدَةِ
وَجَعَ النِّهَايَةِ فِي كُلِّ نَصِّ بِيَكْتِبُهُ

وكأنَّه مسحوب من ضلوعه

يعني مثلاً..

لما شافها في آخر الشارع محبّش

تلمّحه

بين ما ينسى ويفتكرها

هي خُصلة

تقدّر تليف الذكريات حوالين رقبته

فشاف من الأفضل هروبه

وحط حل في سطر بوصله

أولمّا خَلَّى الصُدفة تجمّعهم سوا

إختار يكون مشهد خيانة ويجرحه

شَبَّك إيديها في إيد حبيبها

قصاد عينيه

فرّق جميع احلامه علناً

ع الي لسة محجّروش

وإختار نهاية بـ نُص مكسب

هي بتكمل ما شافه

وهو شاف ميكملوش

ليه مقالش بإئته مثلاً
كان في شارع
فيه محل يبدل جديدة
تلفته البدلة الـ «Dior»
وبيا ساعة «Rolex» غالية
وإنها في الوقت نفسه
وبيا غيره في أي مطعم
طالبة نوع كان هو طالبه
مجاملة لـ عزومته اللطيفة
يبوس إيديها وهي ماشية
والمفاجئ بل ومفجع
النهاية خيانة برضو!
حتى تغيير الأماكن والمصادقة
أنتج إن فراقها غلبه
والنصيب لِسَّاه معارضه

الخيوط في القصة أجمع
ملك إيد رب القصيدة
عارف امتي بيجرحه

وإمتى يفاديه
هو يبحرَك صوابُعه
زي ما المشهد يروق له
بس مبيقصُدش يقسى
اوده ناتج عن مُنافسة
بين هواجسُه وبين ماضيه
النهاية القاسية أوجع
بعد لحظات إكتشافها
والدراما الحية أوقع
من نهاية الكل شافها
سَطْرُه طعم في فَنح مُتَقَن
وانت إحساسك فريسة
واللي تحسب إنَّه موسى
يبقى صاحب نص زَوَد لك ألم
متصدَّقوش
ذئب الحروف المُكْتَتِب
كاتِب النص.. المُزَيَّف
مُفْتَعِل قصص الدراما المُؤسِّفة
بيسيل لُعب الكِذب مِن قَلَمُه العفيف

فوق كل سطر بيسرْدُه
الشعر كدب وله رجول
مبينكش فوش.. ينمجدُه
الا إن كُتب عن تجرِبَة
إرخوا في جبال إحساسكوا
عملاً بالحدَر
وان نُصّه كان نوع م الزيف
شوفوا الجروح واتأكدوا!

...

كُنت ناوي في حُضني اخُدها
مَرَّةً واحدةً بدون جدال
فجأة دَبُّوس طرحة بارِز
شَكَّني في كِتفي الشِّمال
كان علامة بـإني مُخْطِئ
مِنْ يومِها وكل ما اسرح
شَكَّة بتهد الخيال!

آلة مكان

عينها أمّا خَبَطْتُ عيني بالصُدْفَة

في طريق ذهاب وإياب

كانت إياب اما انا

فين وجهتي؟.. مَعْرِش!

فَوَقِفْتُ مِتْسَمَّر

كات عينها بروجيكتور

وانا قلبي شاشة عَرْض

دار فيها كُلّ الجاي

مَطْعَم مجاز راكِب

فوق كِتِف نيل طَيِّب

وانا قاعة إنتظارات

يدخلها ناس ناقصين

يخْرِجُهَا ناسَ كَامِلَة

او نُصْ قَلْبَ وَحِيد

مِسْتَيَّ يَصْبِحْ قَلْب

وانا ايدي على خَدِّي

وشوية على رجلي

او يعني مش عارف

تعايري مَلَّتْ صَبْر

وعِرِقت شوق جارِف

فجاة المكان إِبْتَسَم

يبدو إِنْهَا طَلَّتْ

معزوفة وإِتَحَلَّتْ

عن آلة صوتها رقيق

جَوَّاهَا بَرَّاهَا.. نفس الجمال الخام

فُستَانِهَا نُصُّهُ إِتَكْوَى

والتاني م الصَّرْبَعَة

يُشْبِهُ سَنِينِ عَمْرِي

مِتْكَرْمَشِين م الشقا
كان لوئُه لون قَلْبِي
يبدو عليه الرَبْكَة
وآثار تَرَدُّد تام
مَكَاتِتَش جَايَّة إِنَّمَا
قبل المعاد ب مَفِيش
وافِقْت معادي ب لُفا
فَعَدِت فُصَاد مِني
ع الكُرسي اوع العَرش
طبع الأَمِيرَة الجمال
وَإحنا الي طوع القَمَر
ساعَة ما يَنْزِل لَنَا
من بعد شوط مِّن صَمْت
وضياع فُرْص تَسْديد
قولِيلِها قَلْبِي جديد
في اللِعبَة دي بالذات

عاشق ولف وتاه

في حواري كَمّ بنات.. «مرايات»

معكِستهوش

وانتي الفريدة عشان

نفسه.. ب فرق فاشوش

فـ كَشَفْتَ عن تفاصيل

تُمْكِن تِكْفِي فصول

لكن جميعها خريف

أما انتي فصل ربيع

وانا ع المَحَطَّة غريب

زي ابن قَرْيَة «هنا»

ما يزور مدينة «هناك»

هيحس فرق لُغات

وانا فرقي في الأجواء

فراشاتك الحلوين

مَصَّت رحيق عيني

خَلَّنِي احِبَّكَ حَقِيقِي.. مُتَحَمِّلِ الأعباء
صَبَّيْتُ قَزَائِرَ كَلَامِي
فِي كَاسَاتِكَ الْفَارِغِينَ
فِي صِحَّتِكَ وَلَا!.. مِشْ نَاوِيَّةٌ تَمْلِي الْكَاسَ؟
أَنَا أَصْلِي نَفْسِي أَدُوقُ
طَعْمَ لَـ كَلَامٍ مِثْبَاسٍ
مِنْ شِفَّتَيْنِ أَلْمَاسٍ
عُذْرًا يَا سِتَ النَّاسِ
مَقْصُودُشْ حَانَ رَدَّكَ

فِي كَلَاكْسٍ جِهَ فِي وَدْنِي
خَرَجْنِي مِ الْجَنَّةِ
مَبْجَبِّشِ الثُّفَّاحِ/ وَالزَّحْمَةَ طَرَدْتَنِي
عَرَبِيَّةٌ دَاسِتْ خِيَالِ
بَعْدَ أَمَّا دَقَّ الْحُظْ
أَصْبَحَ طَرِيحَ الْأَرْضِ

هَيَّ الي مِش هَيَّ

خَلَّتْني مِش فيا

بنت «الرَّبيع» سايت

مَشْهَد روتيني وفظ

لـ خريف بيقْتِل وَرد

نَطَّ جُوءَ وداني فجاة صوت مَنَّبَه

فاق مُداخلات كل صوت في الحِلْم عِنُوءَ

دُوشَةُ الناس والزحَام والتفصيلات

آلة مَكَان في الحِلْم

والصَّحُوءَ: الرجوع

من نوم لـ وَهْم في جِلْم

والنَّقْلَةُ: إرتجال

او زي صَفْ خيوط بـ لونها المُخْتَلِف

بتزورني بالترتيب حَسَب ما الحِلْم رَص

واي فَتْحَة عين: مَقْص

وانا: مَصْدَر الدَّهْشَة الي ناتج عن ما كان

مِش حِلْم بل إسمُه: جِنَاحَات

خِلَانِي أَشُوف الْجَنَّة مِن مَطَرَحْ بَعِيد

وَمُجَرَّد التَّظَرَّة وَوَقَعْتَ

وَإِنَا زِي مَا دَخَلْتَ لَ هِنَاكَ

مِن نَوْمِي لَ «الْحَلْم الْعَجِيب»

لَ *مُقَابَلَة فِي عَيْنَيْهَا الْجُمَال*

بَخْرُجْ بَعْدَ تَنَاوُلِي

مِن *رَدَّهَا* لَ «حِلْمِي» وَرَجَعْتَ

...

يا شدة زولي.. ولا اقولك
وضحيلي حبيبي ليا من عزولي
قربي الناس الي بيهم حُزني باش
والي شايلين همّي فوق المُحتمَل
وابعدي الناس الي معدنهم قُماش
وافتحيلهم باب يفوّت ١٠٠ جمل

SKIP>>

عُطارد

(Level 9 - completed)

شمس النفوس

السَّقْفُ أَشْبَهَ بالطريق قَرَّبَ وضاق
والبُعد بين أرضي وسماه
مبقاش بَرّاح
الضَّلَمَة حَلَّتْ ليه؟ وليه؟
النور بيتسَحَب وسهى اربع حيطان
واقفين حَرَس مِن غير باريه
السَّقْف اوضَح شاشَة غامقة
لناس حياتهم ضلُّهم
بَشِيه لُهم
وبشوف سَواد نَفسي في بَياض
لون البَياض
وبدوب ك تلجَة بتعترف
بذنوب قُصاد شمس النفوس!
حِلْم وكايوس..
متجمّعين في اللحظة دي
النوم بياخذك ده يا ده

في اليَقَظَة الإِثنين زي بَعْض
انتَ الي بتحاسبِك عليك
وانت الي بتشوفهم سَواد
وَبَقِيت تخاف.. عاجبك كِدَة؟
الليل ما صَدَق يَمْسِجَك
وَصَّى الحِساب يَسْتَهْلِكَك
هما الفريسة مش الخِلاف
تَبْقَى انت طُعم المَصِيْدَة!
جِبْنَك وَجُبْنَك ايْدَك
مقفولة والمَخْرَج في حل
هو الي سَهْل يَنْقُذَك
ويُخْرِجَك مِنْ شَرِّها:-
الشَّمْس تَطْلَع تَنْجِدَك!

...

قابلت حُزن يقطع هدوم واحد صبور
شد إنتباهي إن الخناقة من طرف
والثاني مش عارف يرد
وبدون ما اسلك
إتنش كُم القميص
واتكعبلت رجلي ووقعت في مُشكلة
فَ سَحَبَنِي مِنْ اِيدي الشِّمال
خوفي الرخيص.. مقاومتهوش!
في السِّكَّة بسأل نفسي:- هل جاي دوري بَعْدُه؟
ولا ده نتاج الفضول؟
اوليه مفيش
ولا شئ سَحَب ايدي اليمين
نِدْخُل نحوش!؟...

زي الطيور

محققتش حاجات ياما

في يوم مثلا

واقف فوق سور البلكونة ومقرر اطيير

بصيت لـ تحت

احبال غسيل / عربيتين.. راكنين قصاد جارنا السئيل / يببُص لي..

وكأني مجنون او مريض/ تحتينا دور واحبال غسيل فوقهم حاجات/ اتنين من

الماشيين شافوني استغربوا / وأمي في المطبخ يتصرخ.. لجل ابويا يشدني / عمي

واقف فوق باصص لي.. ضحكلي فكر اني بضحك...

الطيور بتبص فوق علشان تطير

نحو السما

اما انا بصيت لـ تحت

عمي باصص ليا تحت

لما كايت عيني تحت

امي خافت لـ اتكسر م الوقعة تحت

جاري فَنِّرْ آتِيَّ مَجْنُونٍ أَوْ مَرِيضٍ

حُبِّ يَخْلُصُ مِنْ هُمُومِهِ.. هَيِّنْتِ حُرَّ بِالْطَّ تَحْتَ

الِي فَاتِ مَشْهَدِ خِيَالِي

وَالْغَرِيبِ فِي الْأَمْرِ أَجْمَعِ

كَنتِ واقِفِ تَحْتَ بَيْتِنَا بِبَصِّ فَوْقِ

زِي الطَّيُورِ

لَسَةُ بَرْفَعِ أَيْدِي حَالِمِ أِنِي الطَّيْرِ

اكتَشَفْتَ بِـ إِنْ أَيْدِ كَانِتِ فِي جَيْبِي

وَأَيْدِ بَسَلَمَ بِيهَا عَلَى عَمِي أَلِي فَوْقِ

وَبَيْتِ سَمَلِي

وَإِنْ جَنَاحَاتِي الصَّحِيَّةِ

مَقْصُوصِينَ مِنْ حِلْمٍ وَهَمِي

وَإِنْ وَسَّعَ خِيَالِي عَيْبِي

وَإِنْ كُلُّ النَّاسِ دِي رَحَلَتْ مِ الْبُيُوتِ

وَجَدُوا الْحَيَاةَ فَوْقَ السَّمَاءِ

وَإِنَّا كُلُّ لَيْلٍ..

يا خَطَوَة هَدِّي.. وَلَا اقُولْك
هما يعني لما هَدُّوا اخدوا ايه؟
مَدِّي حَبَّة وإِسْبَقِي الأحداث بـ مِيل
والحقي الفاضل في عمري عشان قليل
واكتبيلي إسمي بالفونط العريض
«زائر الواقع يادوب عابر سبيل»

SKIP>>

الشمس

(Level 10 - start)

إعلان بداية الحرب

كل أمّا يتقال فيه مُدَنَّب

مَر فوق كوكبنا اخاف

يشبه قذيفة مُوجَّهة.. من جيش لـ جيش

مش مُتقنة

اسرح واقول..

فيه حرب فوق مِش مُعلنة

منعاً لـ تهويل الصُّحف والاختلاف

تظهر سحابة بـ لون غريب

وكأنّها مُصابة بـ زُكام

تُعدي السحاب نفْس المَرَض

يحصل مَطَر..

والرعد يعمل صوت رهيب

أصرُخ واقول.. الجو حَرَب

سامعين ؟.. فيه ضَرْب!

بُكرة البيوت يتغرَّقوا

الكون ما فيش مَنْ يلحُّه

فد يقوِّلِي اخويا الدار أمان
ما تخافش ده طبع الشتا
وانا طفل زيني.. مالوش غير إنه يصدِّقُه
...

أعرَف عن الخوف والقنابل
والرُصاص والدبَّابات
أعرف ده «مات»
في منافسة بين بلدين عشان
توسيع مساحة حُكْمُهم
والسلطة تاج فوق راس مُجَرَّد أغبيا
والرب شايف كل شئ
سخر جماد الأرض يبقوا شهود عيان
محتاج أغَيِّر في الحاجات...
حوش الخيال في دماغي أجمل من باريس
واوسع من العالم وتفكير الفلاسفة
ومنطق العصر الحديث
ألمح بـ قلبي.. الدنيا ايه فوق في الفضاء
واشرب خيالي
واتف واقع.. كل ما انوي المضمضة!
وارسم بـ عقلي اللوحة من غير تعديلات

كل الكواكب كانوا واحد في الأساس

بينهم عداوة..

وغيره ومنافسة وجشع

زي البلاد على أرضنا.. واتوَفَّقوا

قَسَموا الميراث بينهم بـ حِسْبَةِ مُعَيَّنة

واتفرَّقوا!

والشمس وحش بـ قلب أبيض.. قدَّها

محصورة في محيط... صعب تتخطَّاه

والا تكون نهاية مؤكَّدة

مضطَّرة رُغماً عَنْهَا تِلْزَم حَدَّها

كل أَمَّا تبدأ حرب بينهم

هي تبدأ حيرة بينها... وإختيار

علشان كدة..

الشمس رمز الوحدة خوفاً مِنْها

والعُزلة فرض عليها أو أسلم قرار

دارت ما بينهم حرب فجأة

وكل كوكب خد قرار شن الهجوم

وبجُسن النية الشمس حَبَّت تلقى حل

سابت مكانها... وسبَّبت للكون دمار

Game over